

### 0.0.1 chiggalasuttaṃ

1. seyyathāpi bhikkhave, puriso mahāsamudde ekacchiggalam yugam<sup>1</sup> pakkhipeyya. tatrassa<sup>2</sup> kāṇo kacchapo. so vassasatassa vassasatassa accayena sakim ummujeyya. tam kimmaññatha bhikkhave, api nu so kāṇo kacchapo vassasatassa vassasatassa accayena sakim sakim ummujjanto amusmim ekacchiggale yuge givam paveseyyati<sup>3</sup> ? yadi nūna bhante, kadāci karahaci dīghassa addhuno accayenāti.

2. khippataram kho so bhikkhave, kāṇo kacchapo vassasatassa vassasatassa accayena sakim sakim ummujjanto amusmim ekacchiggale yuge givam paveseyya, nattevāham bhikkhave, sakim vinipātagatena<sup>4</sup> bālena manussattam vadāmi.

3. tam kissa hetu: nahettha bhikkhave, atthi dhammacariyā puññakiriyā. aññamaññakhādikā ettha bhikkhave, vattati dubbalakhādikā. tam kissa hetu; adiṭṭhattā bhikkhave, catunnam ariyasaccānam. katame sam catunnam: dukkhassa ariyasaccassa dukkhasa mudayassa ariyasaccassa dukkhanirodhassa ariyasaccassa dukkhanirodhagāminī paṭipadāya ariyasaccassa.

---

<sup>1</sup>ekamjiggalayugam-sī 1.

<sup>2</sup>tatrāpissa-machasam, syā.

<sup>3</sup>pavisissāti-simu, sī 1, 2.

<sup>4</sup>vinipātamgatena-sī 1, 2.

4. tasmātiha bhikkhave, idaṃ dukkhanti yogo karaṇīyo ayaṃ dukkhasamudayoti yogo karaṇīyo ayaṃ dukkhanirodhoti yogo karaṇīyo ayaṃ dukkhanirodhagāminī paṭipadāti yogo karaṇīyoti.